



Broj: 16-12-16-2-6732-~~16~~ /15
I. Sarajevo, 21. 10. 2015. godine

Na osnovu člana 10. stav (1) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12) i člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-6732/15 od 14.10.2015. godine, u postupku javne nabavke kancelarijskog namještaja za potrebe Državne agencije za istrage i zaštitu, zamjenik direktora Državne agencije za istrage i zaštitu, d o n o s i

O D L U K U

o izboru najpovoljnijeg ponuđača po konkurentskom zahtjevu za dostavljanje ponuda za javnu nabavku kancelarijskog namještaja

Član 1.

Prihvata se preporuka Komisija za provođenje postupka nabavke broj 16-12-16-2-6732/15 od 14.10.2015. godine i ugovori o kupoprodaji kancelarijskog namještaja za potrebe Državne agencije za istrage i zaštitu dodjeljuju se i to:

- Lot 1 - nabavka kancelarijskog namještaja za potrebe Državne agencije za istrage i zaštitu, ponuđaču "MIRA MAR" d.o.o. Foča ponuda broj 16-12-16-2-6732-8/15 od 03.09.2015. godine, za ponuđenu cijenu od 12.015,00 KM bez uračunatog PDV-a;
- Lot 3 - nabavka ormara za odlaganje mobitela za potrebe Državne agencije za istrage i zaštitu, ponuđaču „KRANING“ d.o.o. Puračić ponuda broj 16-12-16-2-6732-11/15 od 07.09.2015. godine, za ponuđenu cijenu od 1.345,00 KM bez uračunatog PDV-a;

Član 2.

Poništava se postupak javne nabavke kancelarijskog namještaja za Lot 2 - nabavka garniture za sjedenje i stolica za restoran Državne agencije za istrage i zaštitu.

Član 3.

(1) Ponuđač "MIRA MAR" d.o.o. Foča obavezan je ugovornom organu dostaviti dokaz o ispunjavanju uslova iz tačke 3.1.1. i 3.1.3. Konkurentskog zahtjeva, dok je ponuđač "KRANING" d.o.o. Puračić obavezan ugovornom organu dostaviti dokaz o ispunjavanju uslova iz tačke 3.1.1. Konkurentskog zahtjeva.

(2) Dokaze iz stava (1) ovog člana (original ili ovjerena kopija) ponuđači su obavezni dostaviti ugovornom organu u roku od pet dana od dana prijema ove odluke.

Član 4.

Prijedlog ugovora o kupoprodaji dostavit će se na potpis izabranim ponuđačima, po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 5.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 6.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 7.

Ova odluka stupa na snagu danom donošenja.

O b r a z l o ž e n j e

Postupak javne nabavke kancelarijskog namještaja za potrebe Državne agencije za istrage i zaštitu (u daljem tekstu: Agencija) pokrenut je Odlukom zamjenika direktora Agencije broj 16-12-16-2-6732-1/15 od 19.08.2015. godine. Predmet javne nabavke podijeljen je na lotove, kako slijedi:

- Lot 1 – nabavka kancelarijskog namještaja, procijenjene vrijednosti 12.100,00 KM bez uračunatog PDV-a;
- Lot 2 – nabavka garniture za sjedenje i stolica za restoran, procijenjene vrijednosti 3.500,00 KM bez uračunatog PDV-a;
- Lot 3 – nabavka ormara za odlaganje mobitela, procijenjene vrijednosti 1.700,00 KM bez uračunatog PDV-a.

Postupak javne nabavke proveden je putem konkurentskog zahtjeva, za koji je obavještenje o javnoj nabavci objavljeno na portalu javnih nabavki broj 1161-7-1-809-3-21/15 od 21.08.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-6732/15 od 14.10.2015. godine sa preporukom o izboru najpovoljnijeg ponuđača u postupku javne nabavke kancelarijskog namještaja.

Obzirom da je tačkom 6. Konkurentskog zahtjeva navedeno da je rok za dostavljanje ponuda 07.09.2015. godine do 13,00 sati, te da se ponude dostavljaju u zatvorenoj koverti, Komisija je dana 07.09.2015. godine u 14,00 sati izvršila javno otvaranje ponuda prema datumu i vremenu prijema.

Blagovremeno je dostavljeno ukupno sedam ponuda i to:

Redni broj	Naziv ponuđača	Lot	Vrijednost ponude (bez PDV-a)
1.	“Mira Mar” d.o.o. Foča	Lot 1	12.015,00 KM
2.	“Adrialine ” d.o.o. Banja Luka	Lot 1	14.420,00 KM
		Lot 2	8.152,00 KM
		Lot 3	672,00 KM
3.	“Top Sport” d.o.o. Bijeljina	Lot 1	19.700,00 KM
		Lot 2	6.845,00 KM
		Lot 3	999,00 KM
4.	“Kraning” d.o.o. Puračić	Lot 1	14.900,00 KM
		Lot 2	3.447,00 KM
		Lot 3	1.345,00 KM
5.	“Mahagoni” d.o.o. Istočno Sarajevo	Lot 1	13.950,00 KM
		Lot 3	2.100,00 KM
6.	“Steel” d.o.o. Zenica	Lot 1	17.650,00 KM
		Lot 3	1.420,00 KM
7.	“Inter – Com” d.o.o. Zenica	Lot 1	19.900,00 KM

Komisija je nakon otvaranja ponuda, u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu. Uvidom u sadržaj dostavljenih ponuda Komisija je utvrdila da ponuđači “Mira Mar” d.o.o. Foča, “Top Sport” d.o.o. Bijeljina, “Kraning” d.o.o. Puračić i “Inter-Com” d.o.o. Zenica ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti i ekonomske i finansijske sposobnosti, dok ponuđači: “Steel” d.o.o. Zenica, “Mahagoni” d.o.o. Istočno Sarajevo i “Adrialine” d.o.o. Banja Luka ne ispunjavaju kvalifikacione uslove iz tačke 3. Konkurentskog zahtjeva.

Uvidom u dostavljenu ponudu ponuđača “Steel” d.o.o. Zenica Komisija je konstatovala da ista nije sačinjena u skladu sa tačkom 3.1.3. Konkurentskog zahtjeva jer ponuđač kao dokaz svoje ekonomske i finansijske sposobnosti uz izjavu o ispunjavanju uslova iz člana 47. stav (1) tačka a) i stav (4) Zakona nije dostavio potvrdu-izvještaj o računima iz Jedinственog registra transakcijskih računa u Bosni i Hercegovini, izdatu od strane Centralne banke Bosne i Hercegovine ili potvrdu druge poslovne komercijalne banke certificirane za izdavanje takvih potvrda na obrascu Centralne banke Bosne i Hercegovine. Naime, navedeni ponuđač je kao dokaz ispunjavanja uslova ekonomske i finansijske sposobnosti dostavio potvrdu “Unicredit Bank” d.d. Mostar broj 33/2015 od 07.09.2015. godine koja nije na obrascu Centralne banke BiH kako je traženo tačkom 3.1.3. Konkurentskog zahtjeva. Obzirom na naprijed navedeno ponuda ponuđača “Steel” d.o.o. Zenica nije uzeta u daljnje razmatranje.

Uvidom u dostavljenu ponudu ponuđača “Mahagoni” d.o.o. Istočno Sarajevo Komisija je konstatovala da ista nije sačinjena u skladu sa tačkom 3.1.4. Konkurentskog zahtjeva jer je ponuđač “Mahagoni” d.o.o. Istočno Sarajevo kao dokaz o ispunjavanju uslova u pogledu tehničke i profesionalne sposobnosti u smislu člana 49. Zakona dostavio samo fotografije ponuđenog namještaja koje nisu ovjerene pečatom ponuđača, te nije dostavio opis ponuđenog namještaja. Obzirom na naprijed navedeno ponuda ponuđača “Mahagoni” d.o.o. Istočno Sarajevo nije uzeta u daljnje razmatranje.

Uvidom u dostavljenu ponudu ponuđača “Adrialine” d.o.o. Banja Luka, Komisija je konstatovala da navedeni ponuđač ne ispunjava uslove u pogledu tehničke i profesionalne sposobnosti iz tačke 3.1.4. Konkurentskog zahtjeva. Naime ponuđač “Adrialine” d.o.o. Banja

Luka je kao dokaz ispunavanja uslova u pogledu tehničke i profesionalne sposobnosti u smislu odredbe člana 49. Zakona dostavio opise i fotografije ponuđenog namještaja ovjerene pečatom društva "KIS PRODUKT" d.o.o. Trn – Laktaši, a ne svojim pečatom kako je traženo tačkom 3.1.4. Konkurentskog zahtjeva. Obzirom na naprijed navedeno ponuda ponuđača "Adrialine" d.o.o. Banja Luka nije uzeta u daljnje razmatranje.

Komisija je takođe utvrdila da ponuđači "Mira Mar" d.o.o. Foča, "Top Sport" d.o.o. Bijeljina, "Kraning" d.o.o. Puračić, "Inter-Com" d.o.o. Zenica pored kvalifikacionih uslova ispunjavaju i formalno-pravne uslove predviđene Konkurentskim zahtjevom, te podliježu primjeni preferencijalnog tretmana domaćeg osim ponuđača "Kraning" d.o.o. Puračić.

Kako je Konkurentskim zahtjevom traženo da ponuđeni namještaj mora odgovarati zahtjevima navedenim u tehničkoj specifikaciji, to je Komisija aktom od 09.10.2015. godine zatražila mišljenje Sektora za materijalno-finansijske poslove u smislu da li ponuđeni namještaj kvalifikovanih ponuđača odgovara zahtjevima navedenim u tehničkoj specifikaciji.

Sektor za materijalno-finansijske poslove je aktom od 12.10.2015. godine dostavio mišljenje u kome je navedeno sljedeće:

- Dostavljene ponude za Lot 1 kvalifikovanih ponuđača "Mira Mar" d.o.o. Foča, "Top Sport" d.o.o. Bijeljina i "Inter – Com" d.o.o. Zenica odgovaraju tehničkom opisu iz Konkurentskog zahtjeva, dok je ponuđač "Kraning" d.o.o. Puračić u svojoj ponudi za Lot 1 dostavio opise koji odgovaraju traženom tehničkom opisu ali je u katalogu namještaja navedeni ponuđač ponudio dvije vrste kancelarijskih stolica, od kojih prva u potpunosti odgovara zahtjevima iz Konkurentskog zahtjeva, dok druga ponuđena stolica ne zadovoljava tehnički opis iz razloga što rukonaslon nije fiksiran za sjedište i naslon.

- Dostavljene ponude za Lot 2 kvalifikovanih ponuđača "Kraning" d.o.o. Puračić i "Top Sport" d.o.o. Bijeljina ne odgovaraju tehničkom opisu iz Konkurentskog zahtjeva. Ponuđač "Kraning" d.o.o. Puračić nije ponudio klub fotelju ravnih linija sa rukonaslonom kvadratne forme, te da rukonasloni i naslon čine cjelinu koja se završava u istoj ravni. Naime ponuđač je dostavio ponudu za klub fotelju ovalnog oblika koja ne odgovara tehničkom opisu i traženom obliku kvadratne forme. Ponuđač "Top Sport" d.o.o. Bijeljina je ponudio klub fotelju kvadratne forme ali se rukonaslon i naslon iste ne završavaju u istoj ravni, što je vidljivo iz dostavljene slike i ne odgovara tehničkom opisu klub fotelje iz Konkurentskog zahtjeva, iako sam opis klub fotelje u ponudi odgovara traženom opisu.

- Dostavljena ponuda za Lot 3 kvalifikovanog ponuđača "Kraning" d.o.o. Puračić odgovara zahtjevima navedenim u tehničkom opisu iz Konkurentskog zahtjeva. Takođe, kvalifikovni ponuđač za Lot 3 "Top Sport" d.o.o. Bijeljina je u svojoj ponudi dao odgovarajući opis ormara za odlaganje mobitela kako je traženo Konkurentskim zahtjevom, ali je dostavio sliku ormara sa pet redova i deset ladica što ne odgovara samom opisu iz ponude i Konkurentskog zahtjeva. Ormar treba da bude sa deset redova i pet ladica.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, čije ponude odgovaraju zahtjevima navedenim u tehničkoj specifikaciji, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva te je uz primjenu preferencijalnog tretmana domaćeg sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	Lot	Naziv ponuđača	Vrijednost ponude (bez PDV-a) Uz primjenu preferencijalnog tretmana domaćeg
1.	Lot 1	"Mira Mar" d.o.o. Foča "Kraning" d.o.o. Puračić "Top Sport" d.o.o. Bijeljina "Inter – Com" d.o.o. Zenica	12.015,00 KM 14.900,00 KM 19.700,00 KM 19.900,00 KM
3.	Lot 3	"Kraning" d.o.o. Puračić	1.345,00 KM

Nakon provednog postupka ocjenjivanja dostavljenih ponuda, Komisija je utvrdila da je ponuda ponuđača „Mira Mar“ d.o.o. Foča ocijenjena kao najpovoljnija za Lot 1, da ista podliježe primjeni preferencijalnog tretmana domaćeg, da za Lot 2 nije dostavljena niti jedna prihvatljiva ponuda, dok je za Lot 3 kao najpovoljnija ponuda ocijenjena ponuda ponuđača „Kraning“ d.o.o. Puračić.

Shodno navedenom, prihvaćen je prijedlog Komisije i odlučeno da se predmetni ugovor o kupoprodaji kancelarijskog namještaja dodijeli za Lot 1 ponuđaču „MIRA MAR“ d.o.o. Foča i da se za Lot 3 ugovor dodijeli ponuđaču „KRANING“ d.o.o. Puračić kako je navedeno u članu 1. ove odluke, te da se poništi postupak javne nabavke za Lot 2, obzirom da nijedna od primljenih ponuda nije prihvatljiva, shodno članu 69. stav (2) tačka d) Zakona.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 7x,
- Sektoru za mat.-fin. poslove,
- a/a.

